

退一步齋文集

貳



退一步齋文集卷二目錄

尼醫隆慧傳

五妹壙誌銘

予告刑部右侍郎霍山吳公墓誌銘

誥封振威將軍崑山鄭公墓誌銘

雲南趙州知州何君墓誌銘

山西文水縣知縣黃公墓誌銘

孫母楊淑人墓誌銘

記名提督廣西右江鎮總兵官保張勇烈公墓表

退一步齋文集卷二目錄

贈光祿寺卿道銜陝西補用知府祁公墓表

王謙齋尚辰詩集序

王氏詩徵序

戴鐵珊孝廉詩序

林蘅甫詩集序

錦秋唱和集序

鮑覺生先生詩續鈔序

蔣心餘太史評選四六法海序

文樹臣觀察高涼官遊草序



姚笙華先生樟雲腴仙館遺稟序

古微堂詩集序

吳吉子孝廉梓里記序

粵闈餘事集序

粵闈記事二編序

芝隱室詩存序

宛湄書屋文集序

重刊禮書序

重刊樂書序

退一步齋文集卷二目錄 二一

芝隱室詩存序

宛湄書屋文集序

重刊禮書序

重刊樂書序

吳吉子孝廉梓里記序

古微堂詩集序

姚笙華先生雲腴仙館遺稟序

退一步齋文集卷二

定遠方濬師子巖著

陽湖呂景端

尼醫隆慧傳



隆慧紹興人姓謝氏初隆慧之祖姑母明亮爲南昌太守曉村女以殘廢多疾其母詹氏命明亮捨身爲尼建菴於揚州東城內馬監巷供觀音大士人稱爲觀音菴明亮卒傳其姪如山隆慧幼體弱年十三隨如山住菴中因削髮焉粵逆之亂揚城失守遇賊擄入江甯年餘藉刈麥逃歸時年方廿餘耳菴已半燬重葺而居之當

退一步齋文集卷一

是時大營在揚州有俠士陳東淮者出入軍營善奇門及相人書見隆慧奇之謂之曰若必能以一技名於時適溧陽沈青芝登階來精靈蘭術青芝與東淮固至交東淮遂命隆慧從而授業專心力於兒科隆慧性靈敏選方劑揀藥石務求精當城鄉遠近或數里或數十里遇嬰孩疾病皆襁負提攜至白婆紅女填塞於門隆慧一一診視曰此也熱宜涼散此也寒宜溫辛此也羸弱宜峻補又秘製各種丹圓施濟窮寒證雖危急投之立效以故野董烏頭至毒也胡麻鹿藿至輕也在隆慧用

之如食飲然葱薑醯醢各得其味庸手聞之或驚或笑
或睡罵迨其化險爲平則又相顧而愕貽人用是益歎
隆慧之醫不可及隆慧不忘其師禮敬青芝無微不至
青芝則以爲青勝於藍也隆慧今年五十有七金錢布
帛充牣於室買田數百畝其父母無子養其劉氏姊全
家并爲劉子娶婦劉有幼女亦令其師事青芝今亦披
剃爲鄢婆斯迦法名日昇云

方子曰予讀梁簡文勸醫論云祇域醫王明於釋典如
大師乃以醫王爲號以如來能煩惱病句祇能治四大

退一步齋文集卷二

二一

乖爲又讀其吳郡石像碑云華里朱膺清信士也獨謂
其大覺大悲將宏化迹乃沐浴清齋要請同志與東林
寺帛尼頂禮皈依歌頌贊德予不知隆慧於釋典何如
然其深入祇域之境固彰彰在人耳目間東林帛尼僅
一見諸簡文碑記他無聞焉隆慧似又加帛尼一等矣
今提囊行藥者盲目迷心貿貿然署其門曰我善治疾
善治疾昧者弗察卑禮厚幣而延之駕肩以往計日索
緡瘡寒瘡暑之不知人未必死於病而半死於藥地獄
之設正在斯人安得隆慧擊暮鼓撞晨鐘喚醒盲目迷

心輩驅彼衆生同登仁壽耶予爲隆慧傳而發憤於庸醫之無能授沈隱侯狀淨秀例并著陳生知人之明不減開士馬先生也

五妹壙誌銘

家大人所生子女衆先後以痘瘍者十餘人存者惟予與適孫氏三妹字黃氏五妹及七妹八妹五人而已五妹庶母王氏出也當妹生時於歲爲辛丑先生祖母龐太安人尙在堂春秋六十有一聞而喜每語人曰若與我同甲子者恨非男兒耳後當慧其善視之是年龐太

退一步齋文集卷二

二

安人棄養越五年丙午家大人之官東流攜吾母并予兄妹等往於是妹已六齡矣予方習舉子業冷齋多暇妹輒從予讀書上口朗朗成誦日十行或二十行不命之歇不已也稍長學爲繡能出新樣間以示人莫不贊其慧如龐太安人所云性好嬉戲晝理筆墨講針黹夜惟侍吾母陳孺人坐靜室中一燈熒熒晏如也壬子之冬粵賊猖獗蔓延全楚長江一帶人心搖亂家大人奉長官檄修城垣築礮臺顧蒿目時艱所如不合自爲閒散無守土之責慨然引病歸予適以事先返里吾母畏

波浪乃由陸行予婦孫孺人遂絜妹等買舟南下惟時
妹病瘡新愈未調理及登舟值嘉平月江風烈甚恒射
人作寒妹之病實由此起矣抵家甫匝月省垣失陷鳳
穎土寇跳梁四鄉鹵掠幾無完土妹素善怯自是驚慮
交集日依吾母側不敢離今年夏體忽發熱服清補劑
弗止庸醫誤投溫熱之藥益不支纏綿牀褥四閱月重
陽前二日病愈劇自知不起執予手而言曰兄其善事
親吾將死矣予泣妹亦泣延至次日竟卒蓋咸豐甲寅
四年九月初八日也妹字舒城黃上舍錫之子年僅十

退一步齋文集卷二

四

有四嗚呼死生之理具有數存予獨悲夫妹之能自知
其死且以事親一言於將死之時諄諄爲予告深合乎
古人死不忘親之義視世之讀書知禮者何以加耶抑
眞俗所謂早慧必早夭耶是誠增予之痛也已妹於禮
不得附祖墓予請於家大人擇所買班九營田之高原
葬焉乃垂涕而爲之銘曰
無衣士殺秦善封自景靈
韓擘之曠昌黎銘之彼則致父子之情兮吾則以手足
而興悲魂歸來兮其視汝幽宮之辭

予告刑部右侍郎霍山吳公墓誌銘

本朝理學名臣最著者曰睢州湯公平湖陸公湯公師
夏峯和同婺源餘姚陸公則專宗婺源一以明體達用
爲本百數十年繼陸公而得婺源真脈厥惟霍山吳公
公在

宣宗朝官京師四方學者卽知宗仰之

文宗登極知公名得

召見首問公讀何書公以程朱對又

問學程朱者何以多迂拘公對程朱以明德爲體新民
爲用天下斷無有體而無用者凡臨事迂拘正由平日

退一步齋文集卷二

五

不能如程朱格物窮理而徒資記誦非學程朱之過又
問明臣楊漣及侍郎曾國藩倭仁等公一一具奏
上頷之荷學問結實之

褒由是嚮用凡有遷擢皆出

特簡迨

穆宗奉

兩宮太后垂簾聽政公在九列中年高德劭值奏事日
腰輿入朝白鬚飄蕭目光炯炯四射望之尊嚴若河岳
然一日入對

兩宮面諭曰汝受
先帝恩最深皇帝沖齡踐祚汝老臣也國家大事汝宜
直言無隱毋負
先帝之知公伏地感激出涕至不能起立公時年已七
十三矣素患眩疾久不愈陳情乞假
九重憐念准開缺調理遂僑寓江甯未幾左體偏枯而
精神食飲如舊同治十三年六月初一日某時偶覺體
中不適沐浴端坐而薨遺疏入
上軫恤有加

退一步齋文集卷二

六

賜祭

賜葬逾常儀嗚呼君臣遇合終始爲難如公遭際夫豈
偶然哉光緒改元二月十九日公子應焯扶靈輿歸霍
山下三月二十八日葬公於縣東鄉虎皮尖之原應焯
子兆毅濬師壻也應焯先期寄狀來屬爲埋幽之文公
之出處濬師知之頗詳雖不文其奚敢辭謹案公姓吳
氏諱廷棟字彥甫號竹如晚自號拙修老人籍安徽六
安直隸州霍山縣世有隱德曾祖迺成公諱均祖東安
公諱球父信泉公諱正潮曾祖妣孫氏祖妣龔氏妣葉

氏三代皆以公貴
誥贈至光祿大夫戶部左侍郎加三級妣皆贈至一品
夫人東安公家貧服賈於桐城縣之新安鎮卒後信泉
公復承父志隨其叔祖垠仍居新安已而公生容貌端
鬢言笑不苟鄰有質庫公嘗嬉戲其中司事某欲試之
聞公來以碎金散置於地自匿帳中公入門見金卽揚
聲止步不入某起詢之公謂金在地而不見人脫遺失
豈能自白某大驚歎葉太夫人博通書史治家嚴肅公
四歲卽授以經籍過目成誦有過手撻之公泣太夫人

曰汝頭有鯁骨痛吾手矣公捧母手撫摩再四曰母再
撻兒可用絰細裹也太夫人爲之霽顏公每欲著好衣
又欲以功名顯太夫人訓之曰人以衣服愛汝慕汝是
汝徒以衣服重矣功名者儻來之物無學問濟之何貴
乎功名耶公恍然曰兒知之天爵爲貴太夫人曰然蓋
公生平得力於母教最多識者謂不在廬陵眉山下云
年十九就桐城商籍應試邑侯拔置第一無賴子輩譁
於衆將興訟公坦然不與校不應府試而歸旋補霍山
庠生次年食餼道光乙酉受知湖州張小軒先生鱗舉

選拔貢生丙戌

朝考一等引

見以七品小京官用簽分刑部廣西司行走。在部四年。讀律益精熟。丁信泉公憂。回里旋接丁葉太夫人憂。甲午服闋。入都供職。又十五年。戊申。補江西司主事。次年升福建司員外郎。河南司郎中。公自分廣西司在司辦事。幾二十年。案經手判。屹如山岳。不可動坐。辦秋審處。提調律例館。各堂官倚重。如左右手。當是時。山陰譚端愨公與公同總秋讞。天下呼爲二竹焉。庚戌春。

退一步齋文集卷二

八

文宗詔舉賢才。周文勤公會文正公首以公姓名上。咸豐辛亥。郎中俸滿。截取壬子京察。均蒙

恩記名旋

簡授直隸保定府遺缺。知府補河間府知府。癸丑冬。擢

直隸永定河道。甲寅正月復奉

諭。署理直隸天津道。閏月升直隸按察使。均以軍務未竣。仍留河間府任臬司。兼郡守。前此所僅見也。乙卯正月。連鎮奏凱。二月交卸。郡篆入都。

召見三次。垂詢守城事甚悉。六年冬。山東布政使缺員。

上難其人政府以劉源灝曾任東藩爲請

聖意遲回久之

諭曰何如吳廷棟乎遂得

旨補授公具摺乞

覲許之丁巳正月再入都

召見四次數陳事宜極懇至從未宣播外人無由知也

三月抵濟南五月東撫崇恩公述職疏上

硃諭著來見山東巡撫著吳廷棟署理時濬師官中書

是日適輪值

退一步齋文集卷二 九

圓明園親詣軍機房領

旨發鈔

上向用公方殷亟欲以公代崇公政府有奏公資格淺

者故崇公仍回本任戊午奏銷遲滯戶部嚴議降一級

調用實皆前任事公不置辯將作歸計而降補直隸按

察使之

命下并

敕公速赴新任公於是再領提刑者三載自外擢惟斯

任爲最久

派赴張家口審辦口北道賽某受傷案又

派辦古北口糧臺又

派往天津查辦事件辛酉

穆宗臨御調補山東按察使同治癸亥

特旨擢大理寺卿旋升刑部右侍郎

派赴察哈爾查辦事件調戶部左侍郎兼管三庫事務

賜紫禁城內騎馬署吏部右侍郎

派赴通州驗收漕米乙丑復調刑部右侍郎

聖眷優渥將昇正卿而公病不及待矣公宦轍不出畿

退一步齋文集卷二

十

輔山左使車來往兩省士民垂髮戴白滿其前若忘其
爲尊官者守河間時四郊兵燹州邑陷賊者踵相接公
處以定靜修城垣設民團晝理餉糈夜則登陴巡邏故
帥勝保督兵至知縣王烜迫於應付自刎不殊公憐之
纂偶車牛親赴大營陳說勝保重公卽飭麾下聽命倉
場侍郎慶祺公繼至兵丁占住民房頗騷擾公沿民居
步行勸諭并與各官弁約曉以利害人心乃定典史程
某隨慶侍郎委員王錫籌辦捐輸事程乘間詐索舉人
孔某銀公遜知之立提訊得實程畏罪自盡嗣是大小

官吏悉遵約束直隸臬司署後有屋數十楹俗稱曰班
裏爲書吏之親戚學習公牘所人多關防不謹公嚴行
沙汰於署東立一總門派人守視出入皆有常度一應
官文書隨閱隨辦立限五日內卽發各府州縣解囚亦
立限五日內覆訊詳院積壓需索之弊一清公慮囚不
輕用刑但悉心熬審遇可疑之案地方官規避處分改
供朦混往往自相矛盾公飭承審官來省與發審委員
再加研鞫寬其處分而平反者尤夥嘗定爰書大府非
之屢申屢駁公親齎面陳大府卒如公議總督幕友孫

姓之弟謀奪良家女被控當事者以總督故爲緩頰公
曰徇私情而壞風化豈長吏之所爲嚴懲如例總督無
如何也屬邑連出逆倫案總督某公以一月之內頻入
奏恐干

上怒公曰此吾儕大僚不能教化百姓之過待罪之不
暇敢再欺飾耶某公失色公言笑如平常大名各屬被
黃水泛濫居民田廬悉成澤國奏請發帑銀振濟議者
擬由省易錢可以不致折減大名至省九百餘里一車
費至京錢八十緡公謂輦錢與輦銀同一價一車銀可

抵二十餘車之錢以此籌算孰得孰失力排其議旋奉
旨赴大名督辦振務所全活者數十萬人當行使大錢
之壅滯也戶部奏請直隸錢糧兼收大錢鈔票各三成
奉
旨責成總督奉行通省惶駭迄無善策適公擢東藩入
覲蒙

垂詢現辦情形公對名爲行使實不流通立法必先便
於民方可行必先信於民方能行今條科太多朝夕更
改

退一步齋文集卷二

十一

國家先不自信何能取信於民

上始而靜聽繼而連聲相應曰據此無論官運商運仍
是不行公復以不可操之太急對
上稱善會譚端慤公以制府入

朝乃奏罷前議而公至山東亦陳請巡撫奏明停止山
東吏治浸壞公獎廉懲貪首劾曹州府某官場以肅司
庫有餘勇口糧經前撫奏准開銷各屬請領者司中輒
折扣入己公如數給發既奏停大錢鈔票綠營弁兵養
廉口糧除照新章減成餘皆予以實銀通省感戴州縣

應徵銀兩向多遲延拖欠委員守催則又但取差費公
擇其最疲玩者嚴飭之分限報解逾期立予撤任故雖
委員不至而上下忙錢漕均掃數清完初有海口立局
收捐之議民情不順公力持不可繼公任者銳行之遂
構訟人益服公先見其貳刑部也諸司官遇疑獄輒詣
公剖決公不憚煩瑣娓娓相告如師之課弟子每謂相
驗首重比對凶器傷痕分數及屍屬當場口供此時入
細後來必有把握又謂鞫獄無論大小輕重速問速結
稍涉延閣必有匪人從中別生事端不惟羈押拖累無

辜而自己亦爲案累又謂辦事不可稍有所懼昔年承
審崇文門監督書公拏獲私酒一案
上意頗震怒予時

召對從容爲

上言之事竟得解彼時若稍依違必爲衆口指摘矣軍
興以來司農告匱公綜理庫款量入爲出精於理財者
歎爲不及爲政獨持大體不屑毛舉細故甲子克復江
甯公上敬懼持恒疏奉
旨交存弘德殿用資省覽都城內外覓公疏藁者幾於

紙貴某編修陳奏事發公與相和廉言文香如平口
廷議說者謂富韓國於韓歐陽兩公數陳時有異同均
不失爲名臣公之心實堪共白焉公體氣充實標鑒遐
明每退食私室端坐如塑不輕出一語及遇政治之得
失與夫人心風俗之邪正上下今古不厭不倦湛深宋
五子書由雒閩而上游鄒魯取諸家撰述辨晰毫芒求
其性分所固有職分所當爲期於古人相合其他天文
術數之學靡不窮原竟委於醫則抉河間丹溪兩家闢
奧於地理則合楊曾廖賴而得其精微在公視之皆以

爲餘事也著拙修集十卷涂閩仙方伯宗瀛爲刊行之
詩一卷法律直追韓杜濬師亦將爲校刊公居恒所守
在義利之關尤不肯借假者在儒釋限界服官四十年
清操絕俗引疾後歸無一椽寓居日食不給處之晏然
倭文端公會文正公並年小於公事之如兄敬之等嚴
師文端弟令淄川公輒訓戒之無私語文正督兩江念
公貧一日值中秋節欲以三百金贈攜以往晤對良久
微詢公近狀公答以貧吾素也不可干人文正唯唯終
不敢出金而去此文正見濬師時親言之者嗚乎可以

風矣公生乾隆五十八年癸丑五月十八日辰時享年八十有一夫人葉氏公母太夫人姪也勤儉慈惠主持中饋俾公無內顧憂公之孝於親友於昆弟河潤九里澤周三族夫人實佐助之先公十六年卒葬山東諸城縣亮甲山子二人長應熾先卒次應焯候選布政司理問出嗣公弟廷桂孫兆張三品廕生候選知縣兆學先卒均應熾出兆傳兆書兆英兆毅兆鍾均應焯出孫女五人曾孫一人曾孫女二人謹叙次於左用備人壽國史采擇并系之以銘曰

退一步齋文集卷二

十五

家經戶史漢砭宋鍼究厥指歸心憤口瘖塵障功利霧塞心性不楊則墨惟狂罔聖仰仰吳公徽國鄉人格物窮理體駭用純上據素功出佐

明主

主知公學結實足取銅符始縮石畫罕儔賊首屢梟民志賴鳩侯燕侯魯來旬來宣三月疊寄萬頸企延民口有碑公面比鐵矧伊胸懷冰壺不熱持平廷尉司寇秋官五宅三居屏申黜韓邦典計吏食貨陳書公兼司之弊杜用舒

朝廷視公股肱心膂中外望公臯夔伊呂王臣蹇蹇匪
敢乞身二豎弗去一疏陳情
文母廕念特頒

溫旨戀戀

國門迢迢梓里梓里莫歸言尋鍾山誅茅結屋圖書是
耽左圖右書被服儒者冬雪立門春風拂厦蓮溪花妥
鹿洞雲迷天不愁遺哲人其萎宰樹覲鬢灣臺并久我
泐貞珉千秋不朽

誥封振威將軍崑山鄭公墓誌銘

退一步齋文集卷二

十六

韋布之士名不出鄉里而能膺崇封享眉壽康彊逢吉
高朗令終說者謂天獨厚之余謂不然天之生人貧賤
富貴視乎其自取而退處於無權故降大任者天也動
心忍性者人也天定勝人人定亦勝天否則桑戶椽樞
恣恣無稱已耳士君子居恒讀書輒以忠孝爲己任一
遇事變束手鮮長策恨無以雪君父恥於斯之時有人
焉教子立功奮起行伍出蒼赤鋒鏑中上以安

朝廷下以衛桑梓顯榮光大及身而食其報天乎人乎
吾向持此議盱衡當世今爲封將軍鄭公墓而重有

感焉公諱志宏字崑山世爲廣東三水縣蚡蛇鄉人後有諱康泰者始遷縣之大旗頭鄉九傳至美珠生會秀會秀生遠周自會秀而下皆贈振威將軍遠周則公之父也母陳夫人公生而穎嶷稍長入書塾卽喜春秋左氏傳時公父服賈桂林潯梧間久之念父衰老往省之跽而請曰兒非薄爲書生也不能自謀衣食而使高堂日疲於筋骨兒心何安願得以他業供大人朝夕矣乃去而習父業貿遷有無逐什一之息又久之侍父東歸歸而躬耕於野凡田制農事水利器具樹植蠶桑之法

靡不講買家不豐腆而歲時伏臘胥具承歡膝下雍如藹如迨二親先後逝世公哀毀盡禮喪葬之費竭心力而致之用是家益落公不以有無動於中與人交易不敢以錙銖累人有累之者多不校性復敦厚族黨貧乏隨事欣助斥衣被不少吝至有以非禮干者則又侃侃曉譬無依阿苟容色人初畏避之及周旋既久樂公胸無城府緩急足恃又苦不早親炙之也公旣究心於春秋得失盛衰之故值潢池弄兵蒼黃戎馬顧謂長君紹忠曰四郊多壘卿大夫之辱帷帳籌策寒峻固無望鞍

馬矢石豈非男兒報

國事邪因爲之割晰一軍二軍三軍之制申明義勝威勝之法紹忠偕弟就陞秉公訓遂精通兵術當狼奔豕突出入生死者屢矣就陞戰歿而紹忠以剛勇見知提督崑壽公克敵致果不數年間由偏裨至建牙功勳卓著公念受

恩愈重報稱愈難以紹忠得持節鉞爲榮亦不以就陞歿於行陣而戚戚蓋公之識量實有大過人者紹忠鎮韶州迎養公於官署公素安淡泊居尊貴無異耕讀

退一步齋文集卷二

十八

時未幾歸里不復出同治十一年癸酉七月二十四日感微疾卒於家距生嘉慶六年辛酉九月二十六日壽七十有三

特恩誥封振威將軍娶盧氏側室周氏子四長紹忠廣東潮州鎮總兵

記名提督次連陞幼殤皆周夫人出次繼忠候補都司盧夫人出次就陞亦周夫人出女二均適士人孫六潤材督標補用都司以游擊陞用潤輝潤深紹忠出潤波潤瑛潤槐繼忠出紹忠繼忠葬公本邑蔗園坑山右麓

既竣事紹忠以濬師有同官之雅持公狀屬爲埋幽之
文濬師文不足爲公重而公之德美與紹忠懇摯之託
固濬師所樂道者遂不辭而爲之銘銘曰
惟天玉人少使困厄惟人樂天老耽典籍公如征南有
左氏癖篤生令子克宣其績
帝曰俞哉光如榮戟汝子勳勞悉汝教益紫綬飄揚金
章顯赫言炳丹青寵昭簡冊公奉

絲綸欲思疇昔日汝紹忠此身敢惜內矢忠貞外綬疆
場莫以汝勇而矜辟易莫以汝貴而輕擘畫凡此諄詳

皆本肝膈所以福祿日增雲積孫曾繩繩老懷恬適甘
啖蔗漿芳流蘭澤返寂歸眞撒手笑劇無語山川有情
松柏更百千年視茲窀穸

雲南趙州知州何君墓誌銘

濬師寡交遊親故中與交久長不數人而生平最服膺
其品學者何君昌期其首也君諱爾泰字昌期一字春
舫鳳陽縣人何氏自明初以武功顯靖難兵起鎮國將
軍清與姪明威大夫鑑殉節白溝河事載明紀鑑之子
孫七傳至陸明拔貢生歷官江西南昌兵備道陸之子

國祥入
國朝亦由拔貢官浙江歸安縣知縣行取西城兵馬司
正指揮陞曾孫諱燧乾隆辛未進士官山東東平州知
州君之曾祖也祖諱壇庠生湖北孝感縣縣丞父鏞邑
庠生
誥贈奉直大夫母李氏
誥封太宜人君七歲失怙太宜人苦節撫孤教以六藝
卽知奮勉年十四冠童子軍補博士弟子員值家中落
餽粥不供君叔父品三先生館壽州孫懷麓公家依其

薪米得專力於學旋食廩餼久之始舉道光丙午鄉試
困春官者又二十年同治乙丑援例選雲南趙州知州
年六十三矣引疾不赴丙寅八月初十日卒於從弟崧
泰昌黎署中君性肫摯幼讀書目十行下制舉文鎔鑄
經史每一藝出人爭傳誦自以小時受叔父品三先生
撫育恩視兩弟如同胞先生病逝壽州賓館君冒暑偕
弟開泰迎柩歸哀毀骨立容貌若臬稱情稱服鄉人至
今能道之君課兩弟嚴口講手畫往往夜分不輟開泰
崧泰先後成進士君每語人不以己之躋躋介懷而以

兩弟成名爲喜也初君祖歿時有三姑母在室君父與叔父又相繼歿長姑適李家計艱窘君周之終身仲姑適貴州玉屏縣王氏君不遠萬里往省之客遊湖南過洞庭風浪大起舟幾覆矣君正襟危坐無驚惶狀惟覓片板書姓名於上藏之胸前事定同行者相慰勞曰君不懼耶君曰臨深履薄跬步不忘奚待身實臨之而始戰惕耶黃梅某生亦同舟聞君言下拜曰吾書諸紳矣嗚呼君以文章伏一世而屢見斥於有司晚得一州又以病而不獲稍展抱負當吾鄉逆氣遍野避亂池河賊

以矛刺之幾殆卒之高朗令終有弟有子親奉湯藥親視殮含天之於君可不謂厚歟所著詩文集若干卷族弟地山侍郎裒而刊之君生嘉慶八年十月十六日卒後君之子扶櫬自昌黎歸與君夫人陳氏合葬於鳳陽城南門外北李莊子一雲諾廩膳生考取補行咸豐辛酉科拔貢直隸蠡縣知縣署懷來縣知縣加知州銜女三監生張光清監生孫和濟戶部郎中鄧慶禾其壻也濬師在嶺西雲誥以狀來請補撰墓誌薶諸外壙用昭久遠奚敢以不文辭乃爲之銘曰

吾妻大母君祖姑孫氏何氏今崔盧髫齡識君城南隅
君攜吾手顏怡愉曰子琚珮非砥砭墨尿管汗沾衣襦
泮芹忝擷邀虛譽其年恰與君相如君文日盛志不紆
四旬外乃登賢書春官屢上還滯濡鴻鵠不受燕雀呼
走也同駛長安車駟駟困矣奚問鴛君向吾笑知頭顱
杜門却掃眞良圖阿連花縣成安居一官輕擲忘榮枯
方期晚景多歡娛忽侵二豎泉臺徂君以忠信盟江湖
雖遭賊砍神能扶惟君至孝兼友于比潁川陳眉山蘇
田家荆樹誇兩株王喬仙令飛雙覺佳城葱鬱眠君軀

退一步齋文集卷二

一十二

丸丸松柏陰紛鋪銘君之幽言匪誣行人下馬陳生芻

山西文水縣知縣黃公墓誌銘

山脈巖刺貫山嶺

黃大令以清寓書濬師以其友人所爲尊甫義門先生
傳見示乞銘先生之墓閱之則但書歷任階級而於先
生作令時政蹟無一事敘述不敢以空言落紙蓋執筆
而止者屢矣因思先生在閩濬師方隨侍先公東流官
署未識面也迨在晉濬師供職薇垣雖通書問亦從未
詢及公事惟於先生改官晉省入都引

見時聚首兩月偶聆緒論姑究所聞於先生者畧紀一

二用存先生之真兼以塞大令之請云先生諱宜之子君一字義門舒城縣人黃氏自有明以來多以孝義著稱先生祖竹軒公諱大文歲貢生候選訓導父琢堂諱光瓊庠生五品職銜均贈通議大夫琢堂有子十人先生其長也年二十應廬州府試第一補博士弟子員困於鄉舉援例需次福建縣丞大吏器之補莆田縣丞聞俗漳泉兩郡尙械鬪之習往往釀巨案不可理解先生奉檄署理詔安甫下車寬嚴并濟鞫獄必得其情日坐堂皇有訟卽傳兩造親訊曲直不稍留滯吏役無所

退一步齋文集卷二

二二二

施其奸鄉村械鬪單騎趨赴曉以大義立縛首倡之人予以懲罰蓋前此官畏赴鄉卽赴亦率領多役讐衅未息而騷擾叢怨民於是更固結而弗能解釋矣詔安地僻民稠半安遊惰先生假牛而使之畊田種桑而教之蠶織讀書之士爲設立書院詳定課程年餘而俗大變題補惠安縣知縣厯知閩南安莆田上杭一如在詔安時董重修戰艦之役費帑數十萬工無虛糜加同知銜權蚶江通判福州同知皆有聲曾代理興化知府由縣令得之蓋大吏破格以獎焉丁外艱服闋適粵賊陷安

慶江甯兩省公以舒城當南北要衝無險可扼鄉民強悍揭竿紛然起公商之邑令鈕福疇籌辦團練倡捐糧餉毀家紓難不恤也大股賊至官紳不克聯絡勇力難支舒城陷而江北不可問矣先生世居蘭港鄉屋宇有萬厯間修而未壞者至是悉成灰燼鄉人受先生部勒殺賊極多賊大恨書先生名懸金而大索之先生走健卒蠟丸上書大帥請發兵乘其新據可一鼓殲滅大帥畏蒞不聽先生乃以計脫去時以清權河南商城縣事迎養先生於官署大吏知公賢能爭勸出山乃於咸豐

退一步齋文集卷二

二十四

丙辰改官山西至省未久卽檄署靈邱旋補文水晉與閩異先生因地制宜民稱其惠值關中回匪告警秦晉隔河爲界風鶴頻驚臺臣奏請調補臨晉先生抵任巡歷河干身不安席者數閱月同治壬戌太谷員楊氏案發想問對而未對者至最惡大盜賊人受試主結上特派綿尙書森王侍郎茂蔭往鞫而尋侍御鑾燁續有章疏亦奉

命前往會鞫先生在讞局曾與審遂與前太谷令沈君長新隨帶司員刑部主事桂君迺衡同掛吏議沈禡職

遣戍先生與桂並鑄三級皆同鄉也王侍郎最知先生徒爲浩歎而已公罷官後次子官湖北三子復官山西往來楚晉者數年遭次子喪精神頓減光緒三年 月

日以微疾終年七十有九先生長身噩立白鬚彪彪然聲如洪鐘事之是非可否剖析精當有不合雖上官前侃侃不阿不因貴勢而屈也少年雄視文壇老益好學尤熟於風鑑書窮通壽夭一望而知鄭親王端華爲侍郎時使閩慕先生名使相焉出而密告所親曰是滿面殺氣萬無善終理五臺徐松龕中丞繼畬罷官先

退一步齋文集卷二

二十五

生謂之曰公必再起年登大耋後皆驗不爽其他禽遁地理諸家涉獵殆遍非近世俗學所及所著書兵燹遺失公雅不欲以雜藝名了不介於懷也以子官加級

誥封通議大夫夫人王氏桐城監生凌雲女

誥贈淑人先生卒子四長以清河南候補知縣署商城縣事加知州銜軍功

賞戴花翎次以慎湖北候補知縣升用直隸州知州加運同銜署麻城縣知縣先生卒三廷贊湖南保靖縣知縣補用直隸州知州四以 側室林出孫七人其長

先庚候選知縣以清出曾孫七人孫女曾孫女若干人
長孫女以慎出濬師之長子臻喆婦也先生之柩暫厝
河南許州北郊以清將以某年 月 日奉柩回籍
葬於某鄉某原爲之銘曰

哀然首舉小試文章不惜腰折大邑保障泮水芹南國
棠芹香綿延於累葉棠陰久被乎治量是爲邦家之良
匪特閭里之光其身雖亡其德彌長一卷治譜傳諸郎
治汴治楚復治唐昀昀者原君子藏更百千歲徵嘉祥

孫母楊淑人墓誌銘

退一步齋文集卷二

二十六

孫郎中傳辰手其本生母楊淑人行畧嗚咽流涕而言
曰傳辰襁褓失怙兼祧大宗本生母苦節撫孤至於今
三十又六年矣二豎忽侵溘焉長逝思借文字以傳不
朽公肺腑親也知傳辰家事詳敢乞一言鐫諸埋幽之
石公其勿辭按狀淑人姓楊氏六安州人祖懌曾嘉慶
辛酉進士湖北巡撫父用澍二品廕生廣西思恩府通
判以壻吳公元炳貴
贈光祿大夫母王太夫人淑人生而端慤厚重中丞公
最愛憐之授以毛詩女誡輒倍誦不忘年十八來歸壽

州孫贈君家喆贈君祖廣西南甯府知府紹泉公炳圖
父道光乙未舉人候選知縣

贈榮祿大夫晴軒公樹南均在堂淑人上侍重闈恒得
歡心贈君早歲補博士弟子員有聲庠序值家中落鍵
戶讀書生計日迫淑人每脫簪珥助膏火道光丙午晴
軒公棄養贈君哀毀邁疾亦相繼殂謝淑人慟而絕粒
姑陳太夫人謂之曰汝忍舍我而更不念茲呱呱耶乃
稍進粥飲在姑側強露笑容紆姑之憂退則視抱中兒
淚滿衫袖矣晴軒公有子九人淑人處妯娌間和悅無

退一步齋文集卷二

一一七

間言隨陳太夫人理家政尺布斗粟罔或私人以爲難
兄公稼生廉使家穀官禮曹淑人奉姑至京邸維時故
鄉兵燹京師又薪桂米珠清貧甚於疇曩淑人布衣蔬
食處之晏如京師爲天下繁華最舉凡宴飲戲劇以及
遊覽寺觀淑人一概謝絕閨中女伴有相約者輒曰此
豈未亡人所當與也迨稼生外擢監司祿入較豐始荆
州繼杭州淑人隨往儉素如在京邸時傳辰屢困秋舉
無纖毫介懷每諭傳辰吾期汝讀書植品功名遲速有
命汝何歉焉用是傳辰官署正遷尙書秋官郎恂恂禮

法得之母教者居多光緒庚辰淑人在杭州感寒瘧危甚寓書傳辰自京來浙未至而淑人於八月二十四日巳時卒矣距生道光乙酉年十一月十三日酉時享年五十有六嗚乎淑人生長富貴早失所天中更貧窶而能飲冰茹蘖恂恂自安蓋深明无平不陂无往不復之理君子讀易至泰之九三然後知艱貞者之有福焉大吏上其節於

朝得

旨旌表建坊入祀節孝祠淑人之心庶幾稍慰歟淑人

退一步齋文集卷二

二十八

姑陳太夫人吾母第五妹也吾母視孫氏諸甥婦於淑人特加愛因援古人乾阿嬈故事以淑人爲女淑人事吾母如母其卒也遲之久而不敢告蓋恐吾母悲悼云淑人以夫弟家穀官

貶封恭人嗣以傳辰官加

封淑人傳辰娶寶坻李氏吾師文恪尙書菡孫女四川成都府知府德良女孫二人多苓多苙孫女三人傳辰將以某年某月某日葬淑人於某鄉某原乃爲銘曰海枯石爛心彌堅釵荆裙布服不鮮撫兩歲孤慈兼嚴

奉八十姑孝且賢逆而受之順者人困而使之亨者天
猗嗟淑人胡憾焉惟其極人事之變故能得天心之憐
鸞綸鳳綽光九泉森森蘭玉孫枝綿我銘其幽語非諛
更百千歲視此阡

記名提督廣西右江鎮總兵宮保張勇烈公墓表
大畜乃二陰之卦其象曰天在山中蓋自臨遯來皆浸
而長也臨二陽浸長以逼陰遯二陰浸長以退陽陰陽
浸故一則曰有凶一則曰不可大事至大畜之上九通
達无礙而占遂爲何天之衢亨道大行矣亨則不凶道

退一步齋文集卷一

二十九

大行則可大事嗚乎孰謂陰陽之理易言哉合肥張勇
烈公既葬肥西潛山華城寺西王家大塋季公鴻章爲
埋幽之文已詳其世貫功績未幾陰流入壙公之孤雲
達怒焉憂之遵晦翁遷葬章齋例另延地師得官亭鎮
西北白馬廟下僉云吉乃卜光緒十一年十二月二十
一日啟公柩窆焉今年雲達來乞表墓濬師於楊曾廖
賴諸書茫然弗解惟讀郭璞經土者氣之體有土斯有
氣氣者水之母有氣斯有水數言益信土形氣形相因
而生不誣也公改葬之所枕丁岡面黃墩穴有太極圖

暈闊三尺逕三尺又七寸五色斑斕龍從西南蜿蜒數
十里至結穴處而大水匯於岡墩外穴之內堂圓如掌
珠形勢如此是足異已嗚呼公起布衣提一旅師東征
西剿殷家叵築堡練勇實淮軍之首基官亭一役亳州
擒首張樂行幾成擒今公遷忠魄於官亭風馬雲車時
一來往猶有感於昔年百戰威聲乎同治五年逆酋任
柱新敗逃至德安公適率師至兵單賊衆然非守土吏
窮寇勿追亦循古法耳徒以江介肅清鯢鯨就築不欲
留么麼小醜稍厪

退一步齋文集卷二

二十

聖懷而帳下健兒不滿三百以之敵數千蛇虺雖人人
賁育烏能有濟於是新家閭一戰而將星隕矣軍興以
來士巧於仕宦藉軍營收名利有擢至監司開府辭而
不居擁衆自固遇大寇必避遇小寇則虛張捷音專闢
武人又往往畏縮如婦女惟知攘功掠美追力迫勢窮
不得已身膏鋒鏑

愧色耶公功列

國史弗縷述謹述其遷葬之地與歲月俾雲遶揭之於

阡公死事年甫四十有一在同治五年十二月二十一日距公遷葬日恰二十年當亦公靈爽式憑歟公用軍功官至廣西右江鎮總兵記名提督捍勇巴圖魯

贈太子少保

予諡勇烈世襲騎都尉兼一雲騎尉祖傑祖父蔭穀庠生皆

贈一品妣孫繼妣魯李公孫出配吳氏繼配黃氏子一雲達候選通判襲公世職女一歸附貢生方臻壹即濬

退一步齋文集卷二 三十一

師第三子濬師與公無一面之識官嶺西時公兄靖達尚書為公女擇壻許聯姻姪不遠數千里通書下交尚矣哉其公之孝友所致也

贈光祿寺卿道銜陝西補用知府祁公墓表代

漢建安元年鄭康成自徐州還高密黃巾賊數萬人拜馬下相約不敢入縣境賊也而有人心焉世風澆薄幸災樂禍賊心中於人人其心吾不知而賊遂蔓延天下甘肅鞏昌省南大郡也同治四年回匪數萬連營逼城郡紳祁公議戰守而知府趙桂芳所募勇以黑巾裹首

者名曰黑頭見賊勢張藉缺餉日搜掠民粟民閉戶拒
自牆上行黑頭亦踰墻入擾桂芳不能禁公多方羈縻
之密乞援於曹軍門援至賊始遁誅黑頭首惡嗚呼黃
巾賊也黑巾勇也賊知退舍而勇乃幾於獻城異矣哉
然而祁公之功非康成可同日語者公諱兌字悅亭先
世山西有遠祖繼祖以指揮使戍隴西遂爲隴西縣人
曾祖體元祖璿父尊賢三代均蒙

恩給二品封典少有大志棄舉子業思以功名顯需次
陝西同知歷署漢陰廳通判定遠廳同知乞假歸里咸

退一步齋文集卷二

三十一

豐甲寅陽坡寨教匪起知縣周必超約公與公從兄前
西充知縣孝緒往捕孝緒願單騎諭解公固諫不聽孝
緒被戕公亟募勇二千屬游擊馬成領之身爲先驅一
鼓破其寨生禽首逆石元義等而殲妖婦之號九天仙
女者又七年而有陝西回匪之變初粵寇難作公購鐵
數十萬劬同治壬戌粵賊竄南陽突入武關山南回眾
蠢起應賊關隴大震公出所購鐵告之官鑄造槍礮選
丁壯訓練之以餘鐵解省垣添鑄兵器鞏昌守禦得宜
人服公先識乙丑四月回逆麇至圍鞏昌城五十日不

解一誤於黑頭再誤於賊洩我密書賴援兵擊賊而公
之心力瘁矣當是時城雖解圍而賊巢遠不一日程公
偕喻提督及地方官吏仍嚴防不懈意見牴牾悒悒不
自得病勢增劇自知不起邀官紳榻前而語之曰我之
力守鞏昌所以固全隴耳今蘭州餉道僅恃南路一線
乞諸公好爲之又私囑家人曰我死宜速葬城必不完
語畢而卒蓋丙寅八月十九日也賊探騎得公死信卽
於二十日馳傳城下緣梯登兵勇驚散城遂陷公子兆
燿偕其弟兆庚僅以身免公家男婦老穉及於難者四

退一步齋文集卷二

二十三

十餘人大軍克復兆燿奔歸公柩無恙乃碣葬公於東
郊公生嘉慶七年壬戌九月初六日享年六十有四先
以助餉擢知府仍歸陝西補用并加道銜嗣以守城功
賞戴花翎卒後侍御吳公可讀哀其事奏 不
聞得 全 命 陝 西 補 用 道 銜 吳 公 可 讀 哀 其 事 奏 不
旨照軍營立功後病故例優卹 陝 西 補 用 道 銜 吳 公 可 讀 哀 其 事 奏 不
追贈光祿寺卿給予祭葬銀兩廕一子入監讀書期滿
以知縣用仰沐 陝 西 補 用 道 銜 吳 公 可 讀 哀 其 事 奏 不
殊施其亦可以無憾公先世財雄一方賊氛熾盡以家

財佐軍嗚呼難矣公無子以弟憲之子爲嗣卽兆燿也
附貢生兵部職方司員外郎浙江候補道孫緝熙廕生
知縣某某與兆燿同官於浙兆燿謀改葬公而以墓表
見屬公在官惠政與夫居鄉之善舉皆不書特書公軍
事之大者俾揭之於阡

王謙齋尙辰詩集序

廬子國有三怪人其一王君謙齋也自予弱冠卽交謙
齋迄於今餘三十年其容貌予見之熟語言予聆之深
文章品詣又予所折服而時時稱道不置取譬古賢淮

退一步齋文集卷二

三十四

陰國士北海奇男子也曷爲竟以怪名聞嘗訊諸客客
曰吾以子爲異之問獨奈何一怪是問哉子固悉夫謙
齋之容貌語言文章品詣者也請先以謙齋之容貌言
之眉橫秀峰而不爲利鋒目凝紺瞳而不作細蜂鼻呼
吸雌雄而不束帚權口臧否異同而不能取通且夫一
語一言澈始澈終三旨宅揆摸稜得公獻諛不嫌其多
貢直有時而窮今謙齋見事必辯遇惡則攻計是非而
不計利害求遠效而不求近功抵掌公卿間奮身戈鋌
中鄙蘇秦以說客羞張湯之詐忠人方論其時務之不

達而君乃賞其文章之更工子亦知夫當世文章乎前
茅唐胡後勁劉熊則傲房行講習童蒙玉堂天上稱歎
於歐陽六一翰林畫匠輕侮於姚詒楊維聰而謙齋放
情山水寄傲屐筇視科名若土苴夷帖括爲蒿蓬軒裳
珪組不足動其念詩騷詞賦則寢饋於厥胸爲之於舉
世不爲之日而尙曰沐姬孔之餘澤追鄭賈之遺風吾
方幸三怪之已死其二不意子之見怪不怪而反以謙
齋爲可法可宗方子憮然拈頰而笑昂頭而噫長揖而
謝曰毋多言子愈有以知謙齋矣客遂巡退亟取謙齋

詩讀之如太華三峰聳勢爭奇如黃河水從空來汪洋
恣肆末由揣測如疾雷怒電驚憚蛟蛇蝸蝓而無所逃
避如張樂洞庭之野白虎蒼龍鼓瑟吹篴度曲未終雲
飄飄而雪霏霏令人目奪神駭蓋壬子以前東臯遣興
輞川閒居實淵源於家學嗣則流離家室出入荆榛或
感弔忠良或刺譏貪懦長歌當哭癡憂以瘁方駕杜陵
無忝詩史迨中興甲子以還居田園課子姪香墩笛浦
極耕烟釣月之歡魏晉名流眞覺去人不遠謙齋原不
塵以詩傳讀其詩而謙齋之可傳益信焉雖然客之說

如彼予之說如此將捨衆而從予而予口恐不敵衆也
客與予之說如此安知并吾世或後此數十年數百年
參究客與予之說平心論定以爲謙齋文章品詣實在
此而不在彼則捨客與予而別有一人折衷之而予口
適爲嚆矢也光緒己卯秋予陳情乞養蒙

恩允准兵燹無家遂僑寓寶應謙齋聞予還欣然買舟
訪予退一步齋促膝暢談情逾曩昔而吾兩人亦皆白
首矣瀕行屬予釐訂所作并委以序文因記向與客所
道者書而歸之嗚呼三十年來一彈指頃耳作詩者其

有憂患歟

王氏詩徵序

謙齋彙其先世詩年草三卷貺鶴亭集二卷夢遊錄一
卷巴吟一卷鹿柴詩錄一卷冰翠堂集一卷守澤居遺
墨一卷編籍圃漫吟一卷碎稊拾存一卷馥馥軒小草
一卷藝圃偶存一卷愛吾廬草一卷小輞川詩鈔一卷
蓋兵燹所存者僅此於是濬師爲之序曰

唐皇甫五竇宋三孔三劉金二段皆兄弟工吟詠元明
許文各集或兩世三世至吳越王孫刊傳芳集雖六十

二人之多而時非一代支派云遙但誇官爵已耳合肥
王氏當言如司理通籍

聖清開國之初與弟思齡聯鑣競爽巍然儒林名宦魁
首祥開七葉繼繼繩繩二百三十年來吾皖讀書門戶
實爲巨擘美矣哉古今所罕有也諸先生詩體格兼備
合之則一家分之則各成一家其間庭闈孺慕友朋肫
摯以及凜官箴化鄉俗長篇短什令人誦之儼置身順
康雍乾四朝親覽聲名文物之盛而嘉道咸豐以還我
生之前我生之後事涉耳聞目睹并歷歷載於編簡之

中美矣哉謂詩可也謂史亦可也廬自文翁毛義以德
行政事稱而姚寶之詞章敏麗采唐著作纂輯文粹一
書傳播久遠斯集出必有博學如寶之者披擷菁英登
諸上選詩有之維桑與梓必恭敬止樹木且然何況先
人手澤耶謙齋勉乎哉爲我弔望定山野香之居詢翼
端毅李文定父子流風餘韻尙存乎兩公之雲仍猶能
興起焉否也盍哀其遺書錄其嘉言懿行推數典不忘
之心而及於鄉之先達俾凡爲人孫子感激憤發知紆
青拖紫問舍求田瞬息之榮華無關貴重惟此殘賸賸

楮譬彼膏馥足以沾溉後生卽君家舊巷烏衣亦不在
塵尾蠅拂爲傲人之具也

戴鐵珊孝廉詩序

濬師髫齡卽受業於全椒黃琴士先生先生山尊學士
弟子也詩宗學士訓嘗謂濬師曰五律難於七律五古
難於七古學古體者務讀昌黎長公學近體者務讀太
白子美由茲入門庶免僞謬若規規於漢魏齊梁諸公
襲其皮毛而遺神髓是何異優孟著楚相衣冠耶先生
之論如此濬師識之不忘間嘗究心於王阮亭十種詩

鈔姚惜翁唐宋詩選闕二家緒論益見吾師所云信而
有徵近年服官京師日徵逐於車塵馬足間文字之途
幾無過而問者上之名公卿不能以提倡風雅爲已任
而士之日夜所營又孳孳名利以求衣食問豹鼠莫辯
問藤藪不知蓋詩學之不振也久矣中表兄鐵珊戴君
以名孝廉工於詩迭遭兵燹襤被出遊遂乃過大梁渡
河北胸中兀傲磊落之氣每於篇章寫之嗟乎以君之
才出而見知於時所業固自有在區區韻語之長又奚
足以盡君哉君屢困春官不第歸有日矣出其詩見示

屬爲一言弁簡端濬師不文何能爲君序聊以平日所聞於吾師者述之於此至其格律高古趣味澄奩有目者當共賞之吾無所開喙矣

林蘅甫詩集序

蘅甫世兄名父之子隨侍粵東負米分勞兼耽吟咏頃出其詩集見示浩浩落落暢所欲言集中大有關係之作如風災行則正月繁霜之遺意也讀史偶書則我思古人之繼音也石鼓歌一首精理名言不以考據累韻語翁覃溪朱竹君諸公未見如此完璧也擬樂府四章

退一步齋文集卷一

三十九

直登白傅之堂而馘其肉聖心天下日一周聖心直到秋毫秋賈長沙治安策所未能道者他如鴻鵠不同羣鶴鶴非其匹扶搖九萬里青雲爲之梯感慨激昂與昌黎二鳥吟同一眞摯近體如萬里烟濤滄海暮千家砧杵塞垣幽閑思往事神孤往欲問青天首自搔貧能安命愁何有少不讀書悔已遲秦淮戰壘悲人骨蘇李蠻鄉感旅情千古哀音開變雅一燈秋雨誦離騷照人肝膽清於月入世襟期朗若秋千秋友誼菊同淡萬里歸心琴不眠航海若忘閩粵隔側身翻覺地天寬均自出

機杼別饒神韻不屑片語拾人牙後慧其才如此誠古
人所謂衙官屈宋矣乃竟屈屈宋爲衙官耶夫瞻山識
璞臨川知珠璞與珠初不知有識之知之也山川之精
華適發洩於璞與珠耳蘅甫之詩璞耶珠耶吾願瞻山
臨川者有以鑒別之雖然璞與珠常有瞻山臨川者不
常有蘅甫尙其抱璞懷珠以俟識之知之者斯可矣聊
書數語歸之請質諸尊甫惠常徵君以爲何如

錦秋唱和集序

代

夫曲高和寡事紀於郢客前喁後於語傳於莊子沿及

退一步齋文集卷二

四十

唐宋賡唱疊興工部蚤梅酬蜀州刺史之作尙書白菊
傲令狐相公之篇黃充實之賦石榴繼聲者無已陳去
非之咏木樨首倡者奇文陳編具在由來尙矣然而風
人所託半在名花佳句旁搜或遺小草冬郎瓦松之什
子瞻菖蒲之吟偶有標名亦不多見從未聞借題發興
更迭至數十章拈韻抽毫繫情於八九月如茲錦秋一
集之盛者也筱坡楊君家居渦水寓卜冶溪滿目荆榛
不問雞蟲得失一籬錦繡但看鴻雁飛來消客子之光
陰都憑詩卷本書生之結習怕負秋風於是倚檻唵紅

挑燈刻翠稿凡三易句成七言來尋長者之車還卜同
人之卦謝舅何甥皆當世之才金昆玉友合聯牀之雅
矧話親情於中表更占麗澤於良朋并有和章咸稱韻
事梨花楊柳天然富貴之詞新月夕陽無限西山之景
以彼證此何多讓焉益鴉塗致愧鶴膝滋慙珠玉當前
秘藏可惜雕鐫甫就快觀爲先君是文同把酒益思酬
唱僕非邢邵誦詩每恨遺忘此雖非文蔚全斑卽以作
吉光片羽云爾

鮑覺生先生詩續鈔序

退一步齋文集卷二

四十一

覺生侍郎晚年詩先世父曾選刻如于首附之蔗餘偶
筆後粵賊陷皖省淮南北無完土吾家人東西奔避三
四年間舉累世所藏金石書畫蕩無一存是板亦在灰
燼中每念及輒憤懣不能已濬師官薇垣適與侍郎猶
子子年先生同直復從先生處得侍郎手鈔未刻詩二
帙亟錄副冊謀壽梨棗顧宦橐如洗未能猝辦歲癸亥
同歲生夏戶部伯音見而好之因偕濬師重加校定商
諸同人鳩金付剞劂氏不足則稱貸而益之旣告竣濬
師將請能文章者爲弁首之言伯音曰否否侍郎生有

異資幼承祖訓一硯在手百家羅胸啟之者吳徵君舉之者朱大興洎乎通籍受

兩朝恩遇蹶而復起學問經濟炳耀一時豈屑以區區韻語之長爭寒瘦於郊島嗤屠沽於鄭滕哉昔侍郎刪存所作僅綴自序一篇一生得力具見於此不求人知也今將序侍郎續刻詩非侍郎志矣濬師曰諾乃不揆櫛味去其酬應不經意之作十一二釐爲四卷分體而不編年者遵前詩例從侍郎志也近世著作家之叢話詩話雜記侍郎事迹概不贅錄者體侍郎不求人知之

退一步齋文集卷二

四十一

心亦侍郎志也篇首列

國史一傳而以陳公用光所爲墓誌并侍郎自訂年譜殿於末者仿蒲氏刊杜詩祇錄舊書新書本傳及元微之撰工部墓誌銘使後之攬者誦其詩知其人蓋雖不求人知而人自無不知亦侍郎志也詩有之高山仰止景行行止雖不能至心鄉往之是則伯音與濬師刻侍郎之詩之意也夫

蔣心餘太史評選四六法海序

古今總集莫過蕭樓厥後文苑英華繼之宋代五百二

十家文又繼之駢體源流班班可考焉明王聞修編輯
四六法海實駢體中精善之本鉛山蔣心餘先生手自
評選釐爲八卷剝膚存液崇實黜華將以辨正體裁豈
僅沈酣藻麗淵淵乎蓋精而益精善而益善矣竊嘗論
之天地之道不能有奇而無耦易畫八卦演之爲六十
四皆耦耳東漢經術尙已顧駢體文亦倣落於此少陵
江河萬古之句不廢王楊盧駱良有以也唐文粹專取
古文不錄駢體惜抱老人古文辭類纂不收王禹偁待
漏院記以爲近於駢體習氣殆亦見之偏歟間修取材

宏富推本溯源而隨事考證俾讀者上追魏晉中逮六
朝下徵唐宋知一人一代各爲風氣各發性靈不徒襲
貌蹈履古之譏惟貴愜心作詞壇之助津梁後學詎不
信然先生染翰餘閒重加抉擇譬之去肉脯而饋以洎
代旃檀而揚其香非王氏之功臣藝林之韻事哉是編
藏先生文孫雲樵觀察篋中數十年適雲樵來守端州
與濬師共事一方公暇出以相示且屬爲排次付梓不
揣固陋命工錄成副本悉心校對列評語於紙眉而以
總評列王評後所以清界限也篇中間有註釋附逐句

之下所以便初學也原選分甲乙名目茲仍舊本但以甲乙等字標各題之旁所以使閱者自鑒別也圈點沿時文俗態管孝廉同會言之茲仿謝疊山文章軌範例仍用圈點古人已有行之者也刊既竣乃爲述其緣起憶濬師束髮受書於文喜廬陵於詩喜山谷今又得先生四六選本而讀之西江一派蒙雖不敏心目赴之矣

濬師既校訂蔣茗生先生重選王聞脩四六法海八卷屬先生孫雲樵刊於廣州其體例已見前序中雲樵假歸攜板而行粵人士欲睹茲編者無從

退一步齋文集卷二

四十四

購覓任君香亭屈君渭卿鳩貲重鐫俾廣其傳亦雅舉也拙序引唐文粹不收駢體乃據紀文達所撰四庫全書提要語後得文粹本讀之方知其散文駢文并收也附記於此

文樹臣觀察高涼宦遊草序

作官一事也作詩又一事也在官而以詩鳴人必疑其曠官焉樹臣觀察攝篆高廉值旱米價騰貴出庫金招商採運減糶濟饑民心大定復禱於石窟墟龍湫得甘露以甦秧郡境有虎患募善搏者連獲數虎以獻靈山

民與縣令爲難將揭竿起馳往彈壓卒安堵如平常禽
粵西積年巨盜親鞫之排浮議置諸法頌聲洋洋遍萬
口當夫簿書匆促尙抽暇謁洗夫人廟朱將軍墓摹搨
羅公祠碑一一於詩發之蓋寄吟詠於政事中豈他人
官一事詩又一事者所可比擬耶魏王問子順曰吾欲
得無欲之士子順曰人之可使以有欲也欲多者其所
得用亦多欲少者其所得用亦少君蒞高廉甫歲周作
詩多至數十首古體如百金戰馬騰騫乎波澗中近體
則感事憂時纏綿悱惻君之所欲固在是然而讀君之

詩之多益以見君之善政之多也濬師待罪嶺西有年
矣目睹地方彫劫而無術撥焦救爛深蹈風人素餐之
譏卽一詠一觴亦都謝卻展卷三復之不覺愧汗之交
作云

姚笙華先生樟雲映仙館遺稿序

年丈姚笙華先生以名翰林改官縣令不耐塵俗杜門
隱退惟著作是耽彙多不自編次歿後僅存詩文如干
首刊爲一卷粵寇起板燬於兵文孫朶雲明府就所藏
本重付築氏屬爲一言弁其端濬師生也晚不獲接先

生眉宇曾聞諸先世父蓋恬默守道君子也方世父守
湖州時先生爲同歲生交誼最篤吳興山水秀甲天下
世父倩畫師繪圖成册顏曰曠觀清遠持奉老親先生
有詩紀之今圖已亡失而先生遺橐中亦無此篇殊可
惜已先生古文力宗先正駢四儷六奄具六朝三唐風
格詩不拘一體能自發機杼雄健渾灑讀之如登嶽峙
凌浩淼巖巖乎振衣千仞茫乎大波危瀾莫窺涯涘雕
鏤藻繪乃其餘事耳濬師於是重有感矣當其入金門
步玉堂英氣勃勃不可一世使久居文學侍從嚴徐東

退一步齋文集卷二

四十一

馬去人未遠乃造物若故過其遭不令大扃抱負和聲
以鳴

國家之盛而徒留殘叢墨藩收拾於煙塵灰燼之餘卽
此風雲月露花木禽魚蘊諸胸中灑諸側理之上者又
無以觀其全而饜飫人之心目彼蒼位置然耶否耶雖
然一鱗庸詎知非龍一斑庸詎知非豹江海廣矣黼黻
章矣一掬水一絢絲庸詎知非江海之源黼黻之華要
在其人傳不傳不在文章之多不多後之覽者可以想
見也卷末附臧夫人牘橐并以曉珊郡丞詩爲殿詩曰

妻子好合如鼓瑟琴先生有焉又曰維其有之是以似之郡丞有焉朶雲珍斯手澤逾於贏金賢矣哉乃爲序而歸之昔蘇文忠公伯父與太平張侍讀同年贈侍讀子軒民詩有與子相逢亦弟兄句濬師與朶雲交及三世謫陋之語得附先生以傳豈非厚幸歟

古微堂詩集序

作史三長曰才學識而已惟詩亦然然非有定識而濟之才與學不失纖滑卽失陳腐耳世之流連山水雕繪風月負俊逸豪邁之氣形諸歌詠可謂極才人之能事

矣徵文考典一字皆有註脚書卷富矣謂之學人則可謂之詩人則不可然則詩人之詩其才其學其識蓋缺一不可也兼斯三者唐之杜韓宋之歐蘇此外亦未易數數觀今讀邵陽魏君默深詩洵足擅三長之名矣君早歲卽騰聲譽著作等身期爲有用之學語語卓識不僅以才顯出其緒餘發之於詩感時紀事確確鑿鑿人徒賞其音調悲壯而不知寄託者深也撫今追往落落寞寞人徒見其詞源浩瀚而不知蘊蓄者厚也至其東登泰岱西遊匡廬攬黃山白岳之奇陟天台鴈宕之險

浩浩乎漭漭乎峰巒羅其胸烟水娛其目遂不覺雲霞
煥采天地變色凡奇奇怪怪槎枒枒悉憑其手腕一
瀉於筆端其才不可以斗計也其學不可以蠡測也其
識不可以宇宙囿也仙仙乎傷浣花之過而心拳拳乎
思昌黎之謫而涕漣漣乎其廬陵之懷抱而惡夫巧言
譏諉乎本眉山之曠達而慕其文采翩翩乎或以比太
白之狂肆而君何爲情緒纏綿乎或以比長吉之幽僻
而君何爲盡態極妍乎吾師乎吾師乎上下數千年來
其才其學其識至君庶幾近之矣昔施肩吾自序其詩

謂腸胃無滓形神益清六合之粵奇兆異狀銳思一摻
皆落我文字網中嗚呼如君者其才其學其識庶幾近
之矣君舉進士一爲州牧鬱鬱不得志粵賊陷皖省君
隨周文忠幕府余兄子箴曾屬余作萬言書致君陳淮
南北利弊險隘大畧某處可進兵某處可扼要某處可
斷賊來路某處可制賊死路君復書頗韙之惜文忠薨
無人薦舉君而君竟不克施其功效於吾皖余是以每
有紙上空談之恨也因叙君詩而附及之君往矣余來
粵東文孫叔平通守以君古微堂集乞序於余聊書數

語歸之願以質并世之知詩者當亦以余三長之譽爲不誣也

吳青于孝廉梓里記序

會稽山水甲天下而州山之勝又爲會稽山水甲生斯土者或外遊或閉戶無暇綜覽其勝舉凡鷲峰鳳嶺瓢閣梅里諸境盡人而知之矣而情景之奇幻末由知也間有知情景之奇幻矣而能摹繪情景筆之於書不特外遊者末由知其妙恐閉戶者亦末由知其妙也青于孝廉不以仕宦爲榮老於其鄉雅具山水癖嘗嘗萃州

退一步齋文集卷二

四十九

山之勝條舉而目張之蓋將借山水之奇踪以發其胸中硯礪不平之奇氣其間慨興廢述祖德隱然以記載爲己任文字嶽崎猶其顯焉者昔韓昌黎送楊少府序云某樹吾先人之所種也某水某邱吾童子時之所釣遊也鄉人莫不敬誠子孫以楊侯不去其鄉爲法斯言也斯人也方之青于庶幾近之青于族孫詠帆貳尹以是記見示并屬弁數語於簡端莊誦一過恍置身太虛中覺嵐影雲光常在吾眼目也

粵閩餘事集序

去秋粵闈濬師濫竽提調公暇偕監試華樵雲觀察有
鎖院聯吟之刻適之江孫稼亭明府同年與分校撒棘
後亦以詩見示酬應紛紜未遑和答也今春再莅羊城
稼亭哀其所作及同人和章都爲一卷名曰粵闈餘事
屬濬師一言弁其首夫文章一道貴得閒暇方能盡其
情致粵中人文輩出士子應試者萬一千餘人目覽丹
黃日不暇給分校者親操衡鑒每虞竭蹶從事乃稼亭
與分校之餘抽毫拈韻若竟忘披閱之苦者此其才力
爲何如耶諸作皆沈博絕麗深入浣花閩奧所惜稼亭

退一步齋文集卷一

五十

在內簾濬師不獲廁詩壇之側然而鎖院聯吟各什亦
間有命意相同者方之古人遙問遙答亦奚不可昔鍾
嶸作詩品序云抱玉者聯肩握珠者接武則斯編也視
濬師與樵雲唱酬實有珠玉在前之歎矣爰書數語歸
之留爲他日一段佳話

粵闈紀事二編序

予同年友浙西孫君同治庚午分校廣東鄉試閱卷暇
得詩如干首并彙同人酬唱之作都爲一卷名曰粵闈
餘事梓而存之予爲之序焉歲癸酉孫君權官新興復

充同考試事畢將有粵闈紀事二編之刻仍囑予一言
弁其端予讀之其自爲詩及諸君子酬唱詩皆較前卷
多率溫柔敦厚瀏亮冲澹無一毫塵俗氣非惟酒尊寄
興朋友聯歡蓋將表衡鑒之眞誠託語言而掃懷抱孫
君其深得詩人風旨哉雖然縣令之託居民上也簿書
錢穀雲委而山積或建一事獻一獄鹽汗喘息日不暇
給當夫政理勤勞求安閒於頃刻不可得而欲出其餘
力以與風人學士爭長吾知其必不能也甚有等而下
者工步趨事粉飾日趨趨囁嚅長吏之庭噉噉焉觸觸

焉視百姓之顛連呼號不遑問審如是而何有於詩孫
君則不然至一邑則必以一邑之事爲己任體克甚弱
言呐呐若難出諸口及治官文書則又剴切詳明侃侃
無顧忌陽城陽山之間士民歌誦者予旣已知之矣今
茲之兩校鄉闈也予以知其文章品詣矣憶乙卯以
前孫君在京師名聲籍甚受知昆明順德兩公方謂取
青紫如拾芥連舉進士不得志於有司一行作吏抑鬱
而去當是時予亦追逐名場間屢被黜春官一轉瞬二
十年乃復相遇於蠻煙瘴雨之鄉彼此鬚髮蒼蒼逾半

回視往昔無復豪情盛氣予與孫君蓋將老矣有唐韓
公退之宰陽山作縣齋讀書詩云詩成有共賦酒熟無
孤斟迄今滌共賦之人業已不知誰某孫君後退之而
宰陽山也訟庭花落山水情殷長篇短什盡發其胸中
之蘊又能於丹黃披覽之餘盪飛逸興此豈俗吏之所
得爲耶噫退之遠矣誦其詩知其人孫君其亦有感焉
否也實心實政求一一合於退之之行新興歌誦當不
減於陽山矣孫君勉乎哉予官嶺西新興實爲予屬而
秋闈之役予又兩次從事故舉平昔所知孫君者於序

退一步齋文集卷二

五十二

其詩而發之竊愧枵腹蟲吟蚓唱亦得附於簡編得毋
佛頭著糞之譏耶抑更有進者端之民望治久矣新興
固簡邑興利祛弊縣令之責也予願孫君益務其遠者
大者勿徒以風人學士見長顛連呼號之民或可以稍
蘇歟

芝隱室詩存序

漢元封中詔舉茂材異等可爲將相及使絕國者以爲
建非常之功必待非常之人然其四科取士一則曰志
節清白再則曰學通行修一似上所拔擢不過如此未

必果有非常之人出乎其間而當是時董仲舒東方朔
司馬相如朱買臣莊助列文學侍從王恢唐蒙李廣衛
青霍去病復以武功顯嗚呼何其盛也我
朝定制惟漢人分文武途滿洲則否二百二十年來出
入將相文武兼資者指不勝屈今將軍樂初長公自其
少時折節好讀書試有司卽騰聲譽識者咸謂取科第
如拾芥也

文宗皇帝念公父莊毅公薨援漢廷任子例特由部曹
改侍衛公珥貂蟬飄孔翠左右屬車豹尾間四三年人

退一步齋文集卷二

五十二

方以絳灌視之而公退直之餘手一編陶陶遂遂無異
官部曹時也六詔爲極邊地通於莊躋遂成一大都會
每憶昔人宦轍所臨欲詢金馬碧雞遺跡而世無子淵
久矣

文宗皇帝知公熟韜鈴嫻紀律特由侍衛發往公輶車
莅止萬里壯遊洎兩署營篆整飭行陣桓桓焉如虎如
熊威聲遠播植戎馬倥偬之際尙以其暇登從隍之山
仰觀螺巘俯察冷泉借吟詠而紓懷抱雖處荒遐無異
在禁林時也庚申之秋公已引疾旋都海氛不靖公佐

幕府擁盾磨墨戢凶焰於口舌文字之中未幾而有總理衙門之設濬師亦蝨於斯每與公議一事籌一策見公侃侃直陳無避忌無依阿而憂勤惕厲又無異在西南徼外時復以餘技偕濬師倡和羣奴韻至十數章向之以絳灌視之者皆以爲隋陸不是過矣

今上皇帝知公賢遂拜山海關都護之

命公莅任慎簡軍實選拔材勇凡所以尊國體謚民心孜孜焉罔或懈讀榆關諸什非苟作也去年公量移來粵適濬師先待罪嶺西一若天之巧於作

退一步齋文集卷二 五十四

合使走也爲前馬導者公眷念舊交紆尊降貴或因公事把晤或往復郵筒俾仍與騷壇之集公與濬師緣何深耶竊嘗論之天之生材處其常不如處其變常則無所表著惟變之至極乃益見其非常使公登科第取青紫極文人之榮矣而觸觸焉旅進旋退卽叅九列躋台鼎亦終於沒沒無聞已耳乃天獨以變處之以顯其非常之概而留以建非常之功觀於此足徵

大聖人之用人超出乎尋常萬萬也濬師獲交於公久屬爲一言序公之詩公之詩有目者所共賞豈待濬師

之稱道故歷叙其功名學問經濟之非常而因知待非常之人建非常之功實不出志節清白學通行修之兩端然則公之文章豈屑與東方司馬爭長公之事功亦豈僅以王唐衛霍比哉讀公詩者當晤公之用心仍在彼不在此也

宛湄書屋文集序

齊索魯之讒鼎魯人以贗往齊人曰贗魯人曰眞甚矣眞贗之難辨也嶺南爲多寶鄉三代秦漢敦壘盃觥尙矣隨珠唐碧曾青丹干舛錯五都之市巧商販豎日聚

退一步齋文集卷二

五十五

其所有奔走貴人金多之門而貴人金多者又兒爲風雅別具衡鑿以鳴不俗於是珍寶之外書則鍾繇象象右軍父子顛張禿素下至清臣信本眉山襄陽畫則大小尉遲李將軍史鵝韓馬韋龍戴牛滕王蝶邊鸞雀關荆山水騰贊人物下至文壁沈周唐寅仇英諸品牛皆摹擬僞託以誇張粵肆之富若粵產則又有英德之石供端溪之硯材石不一爲獅負爲鳳齋爲幽人瘦削爲美女艷麗欲求昔人所評峰巒聳秀岩竇分明者頗不易硯亦不一爲青花爲蕉白爲魚腦爲冰紋爲燕支班

爲鸚鵡眼小而數寸大而盈尺愛護如瑛璧欲求其出水歸洞者尤不易而貴人以耳爲目恒不吝重價而沾偶遇真識一視輒大笑棄置之其所以然者蓋真少而贗多吾友李君恢垣固清貧而有真識者也生於寶鄉而鮮多金購藏山隱海之靈物次復鮮書畫石硯之好自標其雅懷旣成進士入吏部澹然無營辭官歸閉戶讀書從事編簡二十年如一日待人處己真實勿欺發爲文章悉能流露真意嘗謂徐庾沈謝韓柳歐蘇各有面目各有性情與其襲衣冠而效步履也毋甯以我真面目真性情示人故其文含珍而弗炫藏器而弗名韜涵浸漬莫尋涯涘雖不敢云方駕古今作家要其不失李君之真則斷斷乎可以深信也

本朝乾嘉以還宋學漢學紛紜爭辯君說經之文無注疏氣考證之文無語錄氣持論平允杜絕門戶陋習更君之能見其大者是集出吾知賈賈帶粥將視爲奇珍瑋寶而歡欣鼓舞於五都之市矣豈猶夫魯鼎之投沾沾焉辨其真贗哉爰書之爲李君文集序請質諸並世有真識者

重刊禮書序

宋陳祥道用之氏禮書一百五十卷

欽定四庫總目稱其貫通經傳縷析條分前說後圖攷訂詳悉今之治經者宜家有其書矣顧自明張溥鐫板後罕有善本濬師權粵鹺既籌貲請於制軍劉峴莊尙書撫軍張友山侍郎重刊樂書二百卷復檢所藏是書校刊之於是陳氏兄弟兩書燦然大備誠爲藝林之快事也朱子有言本朝陸農師之徒大抵說禮先求其義豈知古人所以講明其義者緣其儀皆在其具并存耳

聞目見無非是禮所謂二千三百者較然可知故論說其義皆有據依蓋朱子於詩攻漢儒於禮不攻漢儒用之則剖擊鄭氏不遺餘力然其融會經傳確有其儀攷證圖說確有其具有儀有具而其義又詳覈精當視聶崇義三禮圖過之遠也納蘭氏編通志堂經解進聶圖而獨遺此書何耶昔晁公武得叙州盧通判家五采節象本始無闕少之恨北宋至今又數百年則茲之重刊是書也固爲海內學士家之鴻寶歟

重刊樂書序

大司徒以鄉三物教萬民三曰六藝禮樂射御書數而六藝之中獨申禮樂以防萬民之僞之情蓋化民之急無逾禮樂也漢藝文志列樂六家凡百六十五篇今可攷者惟樂記耳恭讀

欽定四庫全書總目以辨律呂明雅樂者著錄經部不與藝術同科次宋陳晉之樂書二百卷於皇祐新樂圖記後稱其遺文緒論條理可徵大哉

王言一經品題陳氏爲不朽矣顧不解陳振孫書錄解題獨本鄭子敬說退入音樂目中心我

退一步齋文集卷二

五十八

朝朱氏彝尊撰經義攷遂亦置之不錄審是周官六藝不幾廢其一耶陳氏書兵燹以來流傳愈少丙子春予權兩廣運使爰出匣中舊藏請於大府籌貲校刻裨公海內其間二變四清之繆

四庫總目已備言之毋庸再爲置喙昔司馬溫公范蜀公論律呂終身不合蜀公無論已而溫公編資治通鑑詳述梁武所定四通十二笛之制及觀陳氏書則於梁武之說多所糾正益見其心力精深非隨人步趨也李安溪記顧亭林之言曰吾於經史略能記誦都是零碎

工夫至律歷禮樂整片稽攷便不耐心亭林問學浩溥
所言如此矧下此者乎

聖主中興大合樂以和邦國悅遠人作動物方且奮威
揚武盪滌邪穢聽鼓鞀而思將帥執經之士必有繼江
漢常武作歌以臻千羽兩階之盛者豈徒習其鏗鏘鼓
舞已哉是爲序

退一步齋文集卷二

五十九

退一步齋文集卷二終

武進徐崇



